



Pou Piblikasyon Imedya: 13/02/2023

GOUVÈNÈ KATHY HOCHUL

GOUVÈNÈ HOCHUL ANONSE GRAN PWEN YO NAN ENVESTISMAN FINGER LAKES NAN BIDJÈ EGZEKITIF POU ANE FISKAL 2024 LA

Bidjè a gen ladan prèske 20 milyon dola pou sipòte pwojè edikasyon siperyè nan sektè mendèv estratejik yo

Gen ladan 96 milyon dola pou konstwi ak revitalize enfrastrikti transpò ki nesesè ak 15 milyon dola pou amelyore espas vèt yo

Gouvènè Kathy Hochul te anonse jodi a detay sou pwopozisyon kle yo nan Bidjè Egzekitif pou Ane Fiskal 2024 li a pou ogmante djòb ak ranfòse ekonomi an nan reydon Finger Lakes la nan New York. An akò ak Diskou sou Sitiyasyon Eta 2023 a, bidjè a gen ladan yon gwo envestisman pou ogmante rezèv lojman ak elajî opòtinite ekonomik ak inovasyon nan reydon an.

"Administrasyon mwen an p ap sèlman pale konsènan fè reydon Finger Lakes la plis abòdab, plis vivab, ak pi an sekirite - nou ap bay resous pou fè li reyalize", **Gouvènè Hochul te deklare.** "Envestisman enpòtan sa yo nan lojman, endistri fabrikasyon semi kondiktè k ap grandi a, edikasyon, ak enfrastrikti pral kreye plis opòtinite pou Nouyòkè yo ak asire ke reydon an rete pwospere pou jenerasyon ap vini yo."

Plizyè nan pwopozisyon bidjetè Gouvènè Hochul te anonse jodi a an akò ak Plan Inovasyon Ekonomik lan te anonse nan Diskou sou Sitiyasyon Eta 2023 a pou ogmante djòb ak biznis yo nan elajî opòtinite ekonomik ak inovasyon atravè Eta New York atravè envestisman sible, sipò biznis ak lòt pwogram ki vize endistri ki gen gwo kwasans yo. Bidjè Gouvènè a gen ladan tou plizyè inisyativ pou envesti nan edikasyon siperyè ak amelyore atraksyon lokal atravè eta a. Pou Rejyon Finger Lakes la, plan an gen ladan:

- 2.6 milya dola nan Èd pou Lekòl (School Aid) pou Rejyon Finger Lakes la
- 222.5 milyon dola ogmantasyon nan Èd pou Fondasyon (Foundation Aid)
- 96 milyon dola pou finansman transpò, ki gen ladan ranplase pon I-490 yo ak renouve pave a sou Route 104
- 20 milyon dola pou modènize davantaj Sant Ekselans pou Manje ak Agrikilti Cornell Agritech la

- 45 milyon dola pou GO SEMI: Biwo Gouvènè a pou Ekspansyon, Jesyon ak Entegrasyon Semikondiktè (Governor's Office of Semiconductor Expansion, Management and Integration, GO SEMI), ki pral sipòte ekspansyon endistri fabrikasyon semi-kondiktè a nan tout Nò Eta New York, ki deja sou pye ak pwojè tankou Edwards Vacuum k ap bati yon etablisman 319 milyon nan Pak Fabrikasyon Avanse pou Syans & Teknoloji (Science & Technology Advanced Manufacturing Park, STAMP) nan Konte Genesee ak Corning Inc. k ap elaji pwodiksyon optik avanse yo nan Fairport
- 17 milyon dola pou elaji fòmasyon teknik, ki gen ladan pwogram optik presizyon k ap mennen nan nasyon an, ki bay teknisyen ki nesesè anpil pou endistri semi-kemikondiktè a.
- 15 milyon dola pou amelyore pak yo atravè rejon an pou ajoute ak amelyore espas vèt ki nesesè anpil.
- 10 milyon dola pou elaji Susan B. Anthony Museum & House pou enkli yon nouvo sant vizitè pou akomode siyifikativman plis vizitè nan youn nan atraksyon prensipal Rochester a
- 4.5 milyon dola pou konstwi yon Pon ki gen Pis pou Kouri kòm yon pati nan inisyativ ROC the Riverway la
- 1.4 milyon dola pou pwojè Etablisman pou Fòmasyon an Swen Sante nan Kolèj Kominotè Finger Lakes la

Prezidan, Direktè Egzekitif Jeneral ak Komisè Empire State Development Ian, Hope Knight, te deklare, "Pwopozisyon bidjè Gouvènè Hochul ki panse pou lavni an gen ladann estrateji devlopman ekonomik entelijan ki pral asire kominote yo nan tout eta a gen resous ki nesesè pou sipòte biznis yo ak rezidan yo. Envestisman transfòmatif sa yo ki konsantre sou edikasyon, devlopman mendèv, enfrastrikti, ak lojman abòdab demonstre angajman kontinyèl li pou estimile ekonomi lokal nou yo. Pwojè enpresyonan Finger Lakes sa yo pral travay pou ankouraje kwasans ekonomik, kreye djòb ak katalize nouvo envestisman k ap ede fè bèl rejon sa a avanse."

Senatè Eta a Jeremy Cooney te deklare, "Envestisman Eta New York enpòtan anpil pou kwasans ak devlopman rejon nou an. Mwen rekonesan pou angajman kontinyèl Gouvènè Hochul nan rejon Finger Lakes nou an, espesyalman nan Monroe Community College ak Susan B. Anthony House & Museum nan distri sena mwen an. Mwen pral konplètman sipòte enklizyon finansman sa a pandan kèk semèn k ap vini yo nan negosyasyon final bidjè a nan Albany."

Harry B. Bronson, ki se Manm Asanble, te deklare, "Konsantrasyon Gouvènè Hochul sou kondisyon pou viv, abòdabilite ak sekirite nan pwopozisyon bidjè li a se yon bon kad pou eta nou an. Finansman envestisman nan kominote Rochester; elaji ak amelyore aksè ak swen medikal ak sante mantal, gadri ak lojman, èd pou fondasyon pou edikasyon timoun nou yo ak envestisman lokal tankou Susan B. Anthony House pral kontribiye yon fason sinifikatif pou ede fanmi nou yo."

Majistra Rochester, Malik D. Evans te deklare, "Bidjè Egzekitif Gouvènè Hochul pwopoze pou Ane Fiskal 2024 la reflete valè pataje, priorite pataje ak kwayans pataje

ke envesti nan Rochester se yon gwo envestisman pou tout Eta New York la. Bidjè sa a chita sou envèstisman transfòmatif Eta ki déjà sou pye nan Rochester epi li pral akselere pwogrè nou sou yon pakèt pwoblèm enpòtan, tankou prevansyon vyolans ak zam, lojman san plon, kreyasyon travay, ak livrezon sèvis sante mantal amelyore. Mwen vle remèsyé Gouvènè Hochul pou angajman li kontinye pran pou rejon Finger Lakes la epi ede nou avanse objektif nou yo pou kreye yon Rochester ki an sekirite, ekitab ak pwospere."

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418